

Radyo an Norvys

(<http://www.dasunys.net/podcast.htm>)

Titel: Nowodhow an seythun (05/12/07)

Auctour: Matthew Clarke

Dydh: 5 Kevardhu 2007

Pesyans: 00:05:07

Yma nowodhow splann dhe Gambronn... mes droglamm bras yw dhe Aberfal.

Hemm yw warlergh ervirans war orsavow tanlu y'n dhiw dre na.

An konsel a vynnas hedhi kudhans a-dro dhe'n klokk.

Byttegyns i re leveris bos Kambronn gwithys yn igor peder-our-warn-ugens... mes na vydh Aberfal.

Benyn goth re verwis yn Ryskammel ...ha blamyas yw an mernans war wenon gorrys y'n dowr nans yw ugens blydhen.

Milyow a donnas a alumynyum sulfet veu gesys yn tank kamm.

Derivas medhyk a-dro dhe vernans Irene Neal a dhiskwa nivellow ughel an kemyk yn hy ympynnyon.

Kehaval o dhe'n gwenon kevys yn korf Carole Cross nans yw diw vlydhen.

Moy es dew kans oberwas re asas aga ober rag an diwettha prys yn Sen Ostell.

An dus a wre oberi gans kowethas pri gwynn lmerys.

Byttegyns yma aga fennrewloryon ow tannvon an ober na dhe Vrasil le may hyllir kavoes oberwesyon orth kost isella.

Rann vras an dew kans den ma a vynn gasa orth aga bodh aga honan may fo chons a dhalleth soedh nowydh ha gans tenkys da.

Mes lies huni arall a lever nag eus konyk lowr dhedha rag kavoes ober nowydh.

Gweythva Gernewek rag tus edhommek a wra degea.

Remploy Rysrudh re strivyas yn feur erbynn godros gorrys warnedhi gans an Governans.

An dowlenn yw dannvon an tri ugens oberwas dhe'n weythva yn Pennsans.

Byttegyns... an Unyans GMB ha T-ha-G a grys bos an fordh na re hir ragdha.

Hag ottomma nowodhow tewl rag pubhuni neb a gar an wonisogeth Kelttek.

Nessa blydhen a vydh an diwettha Lowender Pyran synsys orth an Ostel Ponsmeur yn Porthpyran.

An perghenn a wra degea an ostell nessa blydhen... ha'y skwattya dhe-ves.

Rannjiow posh ha ker a vydh drehevys yn y le.

Ytho res vydh dhe'n goel movya dhe gen tyller.

Ottomma lywydh an hwarvos, Merv Davey...

[CLIP]

Hag y'n bys rygbi...

Yma'n Para Oil-Du hwath stak y'n diwettha le yn Kenedhlek Onan.

Hemm yw wosa aga fit erbynn Bedford.

Lannstefan a gollas dew-boynt-ha-dew-ugens dhe hwetek.

An Vorladron a fethas Moseley ...pymthek dhe seyth.

Hag yn Kenedhlek Dew... Rysrudh a dhiberthas Manchester wosa kelli dew-boynt-warn-ugens dhe beswarthek.

Ha

<Nadelik Lowen>

Yth esa batell lugern Nadelik an bennseythun yw passyes ynter gonisogeth Kernewek

<ilow>

ha Transylvanek...

<ilow>

Dhe-wir... an Cheeky Girls a skwychyas yn fyw lugern Nadelik Kambronn nos Sadorn...

Rysrudh a gavas gweres a dhonsoryon Gernewek dhiworth an bagas Hevva.